



**Jus Canonicum Ad Libros V. Decretalium Gregorii IX.**

**Huth, Adam**

**Augustæ Vindelicorum, 1732**

25 26 27. De Officio Primicerii, Sacristæ & Custodis

---

[urn:nbn:de:hbz:466:1-63433](#)

Jurisdictionem, quam Parochus in sua Parochia in *foro externo* nullam arg. c. 1. h. t. Quod ramen ultimum, uti & priora consuetudo in omnibus ferè Ecclesiis immutavit. c. 3. de off. Ordin. Utrum Decanatus vel Præpositura major sit dignitas, jure Canonico expressum non est; in Germania nostra dignior est Præpositura, licet plerumque sine jurisdictione.

Q. 3. *Quodnam sit officium Archi-Presbyteri sive Decani ruralis?* Resp. Tum plebis, tum Presbyterorum districtus sui inspectionem habet, in ritè res divinæ obeantur, ebrietates, rixæ, scandalia evitentur: executioni mandat Decreta Episcopi: congregat Capitula; quæ minora sunt inter Parochos & alios subjectos sibi Clericos decidit, sed sine figura judicii; majora ad Episcopum ejusve Vicarium remittit. c. 4. h. t. Pirh, h. n. 11. aliquam Decano rurali jurisdictionem fori externi tribuit & quasi *bassam*; illud certum, consuetudine hanc à Decano rurali acquiri posse. Ceterum Archi-Presbyteratus hujusmodi vel Decanatus non est Personatus vel dignitas propriè dicitur patet ex dictis.

## TITULUS XXV. XXVI.

### & XXVII.

*De Officio Primicerii, Sacristæ & Custodis.*

Q. 1. *Quid Primicerius & quod ejus officium?* Resp. Primicerius sic dictus ab ordine ce-

12.

ræ, quo primus descriptus est in Catalogo seu tabulis ceratis, in genere is est, qui in quibusvis officiis, quæ pluribus communia sunt, primum locum tenet. *L. 2. C. de privileg. Schol. L. 2. C. de fabricens.* In specie & in hoc titulo illo venit, qui choro psallentium & scholæ cantorum præest: vocari solet *Cantor* seu *Præcentor* (cum, qui ejus absentis vices gerit, sit *Succendor*) vel etiam in aliquibus Ecclesiis, in quibus non est distinctum officium, *Scholasticus*. Officium illius juxta *can. 1. S. ad primicerium. dist. 25. &c. un. h. t.* est, Diaconos & Clericos docere modum psallendi, affigare lectiones, responsoria, & similia, quæ modò fere relinquuntur Succentori: item inter Clericos observare disciplinam, & delinquentes, absque tamen forma judicii, corrigere, &c. Primi-  
ceriatus seu Cantoria dignitas est. *c. 8. de Constit-*  
*attendatur tamen circa hoc & Scholastici officium*  
*consuetudo.*

*Q. 2. Quid de Sacrista dicendum? Resp. Sacrista, qui & Thesaurarius in quibusdam Ecclesiis dicitur, est Minister ille Ecclesie, qui immedia- tam sacri Thesauri curam habet, Officium ejus est calices, candelabra, ornamenta & vestimenta Ecclesiæ custodire &c. quæ in *c. un. de off. Sacrist.* habentur: unde patet nudum *de jure communi* fuisse ministerium sine præminentia; postmodum ex consuetudine officium hoc iuter dignitates re- latum est, ut & cognitio causarum, earumque deciso à Sede Apostolica Sacristæ fuerit delegata.  
*c. 32. de off. deleg. c. 11. de for. compet. c. 12. de**

*convers. conjug.* Hodie nec nomen *Sacristæ* nec officium plenum est amplius penes aliquem ex Canonicis, sed plerumque cura Thesauri Clerico cuiquam tamquam Vicario Custodis committitur, qui & dicitur *Sub-Custos*.

**Q. 3.** *Quis hic veniat nomine Custodis, & quod ejus officium?* *Resp.* Custos ex institutione sui officii est quasi Minister Sacristæ; non quidem in custodiendis pretiosis, sed in utensilibus minus pretiosis & rei divinæ instrumentis: insuper spectat ad ejus officium signa dare ad officia divina, & cætera facere, quæ modò æditui Laici in Ecclesiis præstare solent. *c. 1.* & *2. de off. Custod.* Interim hodie in Germania nostra *de consuetudin* & retinetur nomen Custodis in Ecclesiis Cathedralibus, sed sine officio, nisi forte inspectionem generalem talis in thesaurum Ecclesiæ habere dicatur, & simul etiam nomine dignitatis venire solet.

## TITULUS XXVIII.

### De Officio Vicarii.

**Q. 1.** *Quid sit Vicarius & quotuplex?* *Resp.* *1.* Generaliter nomine Vicarii veniunt omnes, qui vices alterius gerunt, sive Vicarii fuerint Ecclesiastici, sive Sæculares Sæcularium, de quibus postremis agitur tit. *C. de Vicar.* Ad rubr. hujus tituli speialiter definitur Vicarius, persona Ecclesiastica munus alterius in Ecclesia, vel re spiritali, nomine & vice alterius gerens.

*Resp. 2.*